



Namminersorlutik Oqartussat
Qeqqata Kommunia
Piareersarfinnik
ingerlatsinissamut kiffartuussinissamut
isumaqatigiissutaat
2015

Inuussutissarsiornermut, Suliffeqarnermut Nuinermullu Naalakersuisoqarfik, 2015



Imarisai

1. Aallarniut.....	2
2. Inatsisitigut killissarititaasut	2
3. Tunuliaqut.....	4
4. Siunertaq.....	4
5. Anguniagassaq	5
6. Piareersarfiit siunnerfigisaat suliqaarfissatut	5
7. Suliassat	6
8. Inernerisassatut anguniakkat.....	8
9. Nalunaarusiortarneq.....	9
10. Nakkutilliineq.....	9
11. Sulisut.....	10
12. Suliffittut aaqqissuussaana	11
13. Aningaasaqarneq	11
14. Akerleriissutit, maleruaannginnerit aamma kalerriisarnerit	13
15. Atuutilernera, atortussaaitaanera, isumaqatigiinniutigineqaqqinnera aamma atorunnaarsinnera .	14

1. Aallarniut

Killissarititaasut pillugit matumani isumaqatigiissut malillugu Qeqqata Kommunia Namminersorlutik Oqartussanut suliassaatus anguniagassaatus pisussaaffigisai aalajangersarneqarput. Namminersorlutik Oqartussat pineqartunut ingerlatsinermut ukiumoortumik tapiissuteqartarput. Isumaqatigiissut Qeqqata Kommunia aamma Namminersorlutik Oqartussat akornanni suleqatigiinnissamut tunngaviuvoq, taamatullu illuatungeriinnut pineqartunut aqutsinermi sakkussatut atorneqassalluni. Isumaqatigiissummi pineqarput kommunip Piareersarfimmut atatillugu tassaniluunniit suliassai, tunngaviusussat ingerlatsinermut Namminersorlutik Oqartussanit tapiissuteqarsinnaanissamut.

Isumaqatigiissut ukioq ataaseq atuuttussaatinneqarpoq, piffissami uani 1. januar – 31. december 2015.

Ingerlatsinermut tapiissutit, inernerisassatut anguniakkat ilinniartullu amerlassuserisartagassaat immikkut nassuiaaserneqarput *ingerlatsinermut tapiissutit inernerisassatullu anguniakkat pillugit isumaqatigiissummut immikkut ilanngussami*, taamatullu 2015-mut atuutitinneqartussami.

2. Inatsisitigut killissarititaasut

Piareersarfinni aaqqissuussaasartussanut inatsisitigut qaqugukkulluunniit tunngaviusussat malinneqartuuartassapput. Isumaqatigiissusiornermi inatsisitigut tunngavigisassaritinneqartut ukuupput:



- *Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27 30. oktober 1992-imeersoq.*
- *Suliffeqarnermi innersuussisarneq il. II. pillugit Inatsisarsut Inatsisaat nr. 5, 8. Juni 2014-meersoq*
- *Ilinniagaqarnerisutit pillugit Inatsisartut inatsisaat nr. 12 22. november 2011*
- *Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq*
- *Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq*
- *Suliffeqanngikkallarnermi ikiorsiisutit pillugit Inatsisartut inatsisaat nr. 2, 15. Maj 2014-meersoq*
- *Aningaasanut ukiumoortumik inatsisissatut Inatsisartunit aalajangiussaq.*

- *Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata allanngortinneranik Inatsisartut peqqussutaat nr. 1, 16. Maj 2008-meersoq (Inuussutissarsiutinut pikkorissartitsisarnerni tapiissuteqartarnermut inatsisini pineqartut annertusineqarnerat, sungiusaammik sulineri akissarsianut maleruagassat, kiisalu suliassaqarfiup allanngorneranut tunngatillugu erseqqissaatit)*
- *Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata allanngortinneranik Inatsisartut peqqussutaat nr. 11, 18. December 2003-meersoq (Sungiusarluni sulineri tapiissutinut tunngatillugu malitsigisaanik allannguutissat)*
- *Piginnaangorsaaqqinnissamut ikiorsiisarneq pillugu Inatsisartut peqqussutaat nr. 4, 31. maj 2001-imeersoq, aammalu piginnaangorsaaqqinnissamut ikiorsiisarneq pillugu Inatsisartut peqqussutaata allanngortinnera pillugu Inatsisartut peqqussutaat nr. 3, 1. juni 2006-imeersoq.*
- *Suliffissaaleqisunik sulilersitsiniarneq pillugu Inatsisartut peqqussutaat nr. 14, 12. november 2001-imeersoq.*

- *Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 16. oktober 2009-imeersoq*
- *Piareersarfinni qitiusumik ingerlatsiviit suliarnikk ingerlatsinerat il.il. naliliisarneq pillugu Namminersornerullutik Oqartussat nalunaarutaat nr. 17 ulloq 16. oktoberi 2007*
- *Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliarortartunut tunngasunik kommunalbestyrelsit paasisitissanik nalunaaruteqartarnissaat pillugu Namminersornerullutik Oqartussat nalunaarutaat nr. 20, 19. novembari 2007-imeersoq*
- *Ilinniagaqarnerisutit pillugit Namminersornerullutik Oqartussat nalunaarutaat nr. 21, 13. marts 2012-meersoq*
- *Nuttarnerulersitsiniarluni tapiissutit pillugit Namminersorlutik Oqartussat nalunaarutaat nr. 24, 25. august 2008-imeersoq.*
- *Inuussutissarsiutinut pikkorissartitsisarnernut tapiissutit pillugit Namminersornerullutik Oqartussat nalunaarutaat nr. 21, 1. juli 2008-imeersoq*
- *Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. Juni 2008-meersoq*



- *Inuussutissarsiordermut, Suliffeqarnermut Niuernermullu Naalakkersuisoqarfimmud nalunaarsuisarneq pillugu najoqqutassiissut.*

3. Tunulliaqut

Suliffinnik innersuussisarneq pillugu Inatsisartut peqqussutaat nr. 5, 8. juni 2014-meersoq naapertorlugu Qeqqata Kommunianni kommunalbestyrelsi Iltersuullunilu aqqutissiuussisarfirmik pilersitsisimassaaq. Iltersuullunilu aqqutissiuussisarfiit matuma kinguliini Piareersarfittut taaneqarput.

Piareersarfiit tassaapput ataatsimoorussamik suliffeqarfiusut ukuninngalu tunngaviumik anguniagaqartussat:

- Ilinniartitaaneq pillugu tamanut atuuttumik iltersuisarneq aammalu inuussutissarsiutinut ilinniartitaanermi lærlinginit immikkut sammisumik sungiusarlutik sulisunut iltersuisarneq.
- Piginnaasaqarnerulernissamut ingerlatsillunilu pikkorissartitsisarnerit.
- Inuussutissarsiutinut aqqutissiuussineq

Kommunalbestyrelsitaaq aalajangersinnaavaa Piareersarfiit makkunanga suliassinneqassasut:

- Suliffissarsiuussisarneq

Kommunalbestyrelsip aalajangigaanik Piareersarfiit taaneqareersunik suliassinneqarsimappata, kommunimut suliffeqarneq, ilinniartitaaneq aamma piukkunnarsarneq pillugit siunnersorneqarnissamik saaffiginnissutit Piareersarfinnut innersuunneqartassapput. Tamanna matumik ataatsimik periuseqarnermik taaneqartarpoq, tassallunilu Piareersarfiit sulineranni tunngaviumoq, tak. § 12 suliffittut aqqissussaannerit tunngasoq.

4. Siunertaq

Piareersarfimmik pilersitsinerit tunngaviumik anguniagaasussaq tassaavoq suliassat pineqartut akornanni iltersuullunilu ataqatigiissaarisarnerup pitsaanerulernissaat, taamaasilluni iltersorneqarnissamik noqqaasumut suliffeqarneq, ilinniartitaaneq piginnaasaqarnerulernissarlu pillugit iltersorneqarlunilu paasissutissinneqarsinnaanissaq pisariinnerulersikkumallugit. Tamanna tunngavialugu tunngavissaritinneqarpoq inuusuttut pineqartunut tiguneqarnissaminnik qinnuteqartartut, taamatullu piginnaasaqarfigilikkamik ilinniagaqalersartut amerlanerulernissaat, taamatullu sulisorineqarsinnaareersut suliffeqarnermi atugarisaasunut sammisumik piginnaasaqarnerulernissaat. Taamatuttaaq aamma tunngavissaritinneqarpoq ilinniartitaanerni taamaatitsiinnartarnerit annikillilerneqassasut pitsaanerumik iltersuisarnikkut. Tunngaviumik anguniakkat immikkoortunut anguniakkanut ukununnga immikkuualuttunngortinneqarsinnaapput:

- Sulisorineqarsinnaasut piginnaasaqarnerulernissaat.
- Inuussutissarsiutinut ilinniartitaanernut ilinniartitaanernullu allanut qinnuteqaateqartartut piginnaasaqartut amerlanerulersinnissaat.
- Ilinniakkaminnik naammassinnittartut procentinngorlugu amerlanerulernissaat.



- Sulisorineqarsinnaasut akornanni agguataarnerit allanngornissaat, suliamik ilinniagarsimasut imaluunniit sulinermik ilikkagaqarsimasut amerlanerulersillugit.

5. Anguniagassaq

5.1 Naalakkersuisut anguniagaraat ukioqatigiinnit 2015-imit meeqqat atuarfianni naammassisunit 70%-it 35-nik ukioqalertinnatik inuussutissarsiutaalersinnaasumik ilinniarsimassapput. Tamanna tungavigalugu Naalakkersuisut kissaatigalugulu takorluugaraat kommunini Piareersarfiit anguniagassamut tamatumunnga aalajangiisooqataasinnaansa, tamatumani Piareersarfiit ilinniartitaanerup, suliffeqarnerup aamma inuussutissarsiutit akornanni attaveqaatit atuu-tussaammata.

5.2 Inuussutissarsiutinik ingerlataqarfiusut sulisunik piginnaasalinnik pisariaqartitsillutillu noqqaanerat tungavigalugu inuussutissarsiutinut ilinniartitaanerit taamatut ilinniagaqarnissamut atasumik tiguneqarsinnaanissamut piomasaaqateqartarput. Anguniakkatullu aqqjissuussat piviusunngortitsivigisinnaajumallugit Piareersarfiit ilaatigut ilitsersuullutillu aqqutissarsiuussisarnermik, imaluunniit AEU-mi¹, meeqqat atuarfiannit soraarummeersimaneq imaluunniit atuakkanut tunganngitsunik pikkorissarneq aqqutigalugit piginnaasaqarfiulersumik ilinniagaqarnissamut qinnuteqartut ataasiakkaat piginnaasaqarnerulersissinniassavaat. Kommunalbestyrelsillu Piareersarfinni sulisut pingaarnertut suliassanik assigisaannillu isumaginnissinnaanissaannut piginnaassutsinik ingerlaavartumik piorsaallutillu ineriartortitsisassapput.

6. Piareersarfiit siunnerfigisaat suliagarfissatut

6.1 Nunatsinni nunattalu avataani² ilinniagaqarumallutik qinnuteqartut aqqutissiuutissallugit kiisalu suliffittaarniarlutik noqqaasut.

6.2 Inuussutissarsiornermik ilinniarfinni lærfingit aallartittut aamma pineqartut sungiusarlutik sulineranni malinnaaviginissaat.

6.3 Meeqqat atuarfianni atuartut 18-nit tikillugit ukiullit kommuunimi atuarfeqarfik suleqatigalugu

6.4 Ilinniagaqalernissamut suliffeqarnermulluunniit piginnaasaqarnerulerumallutik qinnuteqartut. Piareersarfiit suliassaminnik naammassinnissinnaasarnissaannut tungaviusaaq Piareersarfinni ilitsersuisartut/aqqutissiuu-sisartut ilisimassammassuk qinnuteqaateqartut qanoq tunuliaqutaqarnerat tungavigalugu Piareersarfinni piginnaasaqarnerulersinnaanissaannut atasumik innersuussisinnaanissaq. Piareersarfiit immikkut katsorsaavittut ingerlanneqassanngillat³, taamaallaalli piginnaasaqarnerulerfiusussatut. Imaappoq, inuit piginnaasaqarnerulernissaannik Piareersarfinnut

¹ AEU: *Anerkendt Erhvervsintroducerende Uddannelse (Inuussutissarsiutinut ilinniagaqalersinnaanissamut piareersarfik akuerisaasoq)*

² *Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq kap. 4, §18*

³ *Katsorsaanertut pineqarput suliassat katsorsaasinnaanermik immikkut ilinniagaqarsimanissamik piomasaaqateqarfiusut, assersuutigalugu atornerluisuunermut katsorsaasarnert imaluunniit inunnut tarnimikkut annertuunik ajornartorsiuteqartunut tarnip pissusaanik ilinniagaqarsimasutut ikorfartuisinnaasut (psykologit).*



innersuussat pineqartunut kajumissuseqartuussapput, aammalu piviusorsioortumik tunngavilimmik periarfissaqassallutik ingerlassassamminnik naammassinnissinnaanissamik, kiisalu piginnaasaqarnerulernissaminut ingerlassartik naammassigunikku ilinniagaqalernissamut suliffeqalernissamulluunniit ingerlariaqqissinnaanissamik.

6.5 Inuit katsorsarneqarnissaminik pisariaqartitsisut, taamatullumi aamma Piareersarfiit neqeroorutigisinnaasaannit allatigut malinnaavigineqarnissamik pisariaqartitsisut Piareersarfinit innersuunneqartassapput kommunimi isumaginninnermik oqartussaasunut, tamatumuunakkut pineqartunut isumaginninnermik oqartussaasunit pitsaanerpaamik iliuuseqartoqarsinnaanissaa pillugu suleqatigiittoqarsinnaaqqullugu⁴.

7. Suliassat

Qeqqata Kommunianni kommunalbestyrelsi inatsisit naapertorlugit suliassanik arlalinnik isumaginninnissamut akisussaasuvoq. Tamanna tunngavigalugu Qeqqata Kommunianni kommunalbestyrelsi matumani kiffartuussinissamik isumaqatigiissut malillugu suliassat matuma kinguliini taaneqartut isumagineqarnissaannut akisussaavoq.

7.1 Siunnersuineq

- Innuttaasut siunnersorneqarnissamik pisariaqartitsisut kiffartuuttarnissaat oqaloqatigiillunilu siunnersortinnikkut ingerlariaqqinnissamik neqeroorfigalugit.
- Suliffeqartunik pikkorissartitsinernilu pisariaqartitsisunik toqqartuineq (Aningaasat Inatsit naapertorlugu, PKU allanillu).
- Inuussutissarsiutinut ilinniarfinit attaveqarnek pikkorissartitsinerit pillugit.
- Sumiiffinni nunallu immikkoortuini inuussutissarsiortunut qanimut attaveqarnek.

7.2 Ilinniartitaanerit pillugit tamanut atuuttumik aqutissiuussineq aammalu Ilinniarfinni lærlinginut immikkuullarissumik aqqissuisarneq.

- Ilinniartitaanerit pillugit aqutissiuussineq.
- Nunatsinni ilinniartitaanernut qinnuteqarnissamut immersuiffiliat immersornissaannut ikiuunnissaq, isumagalugulu pappialat ilanngussassat pisariaqartinneqartut tamarmik ilanngunneqarsimasarnissaat.
- Nunatsinni ilinniagaqarnissamut qinnuteqaatinik aammalu ilinniagaqarnersiuteqarnissamut qinnuteqaatinik tigooqqaallunilu ingerlatitseqqiisarneq.
- Nunatsinni inuussutissarsiutinut ilinniarfinit neqeroorutigineqanngitsunut qinnuteqaatinik tigooqqaaneq. Tamanna Nuummi annerpaamik atugaasarpoq.
- Ilinniagaqartut Kalaallit Nunaata avataanut ilinniartortutik angalanerannut atasmik bilitsinik inniminniissussisarnerit suliassallu allat pisariallit isumagisarnissaat.
- Ilinniagaqarnersiuteqarfimmut nalunaarutiginnittarneq.

⁴ Nuna tamakkerlugu aqutissiuussinermut centerimut innersuussisoqartassaaq AEU-rtut, FA-rtut atuakkeriffiunngitsunilu Piareersarfiup iluani ingerlatsisut ilinniartullu pineqartillugit.



- Inuit ilinniagaqarnissaminnik qinnuteqartut pillugit nalunaarsuillunilu paasisutissaannik katersineq, tak. nalunaarusiortarnej pillugu § 8.
- Inuussutissarsiutinut ilinniartitaanerni lærlinginut ilinniagaqalernissaat sioqqullugu sungiusarlutillu sulinerisa nalaanni ilinniakkamut sungiusarlunilu sulinermut aqqutissiuussineq.
- Ilinniartut pillugit oqaaseqaasiortarnej.
- Inuussutissarsiutinut ilinniartitaanerni lærlingit Inuussutissarsiutinut ilinniartinnut aallarnisarsinnaanerannut atasumik piareersaasiortarnerit.
- Sungiusarluni suliffiusinnaasunik pissarsiniartarlunilu pineqartunut attaveqartarnerit.
- Sungiusarluni suliffiusinnaasumik akuersinissamut qinnuteqaatinik tigooqqaallunilu ingerlatitseqqissarnerit.
- Lærlinginut isumaqatigiissusiortarnerit.
- Inuussutissarsiutinut ilinniartinnut attaveqartarnej suliamullu attuumassuteqartut pingasuit pineqartut oqaloqatigiissinneqartarnerannik (3-parts samtaler) isumaginnineq.
- Nunap immikkoortuani pisariaqarpat ilinniartinnut isumaginnineqarnerit.

7.3 Piginnaasaqarnerulerneq

- Innuttaasunik suliffissaaleqisunik pikkorissartitsinernut piginnaasaqarnerulerfiusussanut innersuussillunilu misissuinerit aamma aqqutissiuussisarnerit.
- Inunnik Inuussutissarsiutinut ilinniagaqalernissamut piginnaasaqarnerulerumasunut AEU-mik (Inuussutissarsiutinut ilinniagaqalernissamut piareersarfik akuersaasoq) ingerlatsineq. Immikkoortukkuutaartunik (modulikkaartunik) misilitsinnernik ingerlatsisarneq AEU-milu atuartut pikkorissarsimanerannik uppersaataatinik tunniussisarnerit.
- Inunnik *Meeqqat atuarfianni inaarutaasumik naliliineq pillugu* Namminersornerullutik Oqartussat nalunaarutaat nr. 3, 9. januar 2009-imeersoq naapertorlugu piareersaataasumik ilinniagaqarnissamut piginnaasaqarnerulerumallutik meeqqat atuarfiannit soraarummeersitsinermik ingerlatsineq.
- Inuusuttunik suliffissaaleqisunik allanillu suliffeqarnermut piareersimasunnngortitassanik ilinniartitaanikkut piareersaataasunillu ingerlatsinerit, ilanngullugit ilinniartitaanernut imaluunniit Inuussutissarsiutinik ingerlataqartunut ingerlatitseqqissarnerit, assersuutigalugit inunnuat atuagarsornikkut ingerlatsinissamut piareeqqanngitsunik inuttut ineriartortitsinermik ingerlatsinerit.
- Piareersarfinnut immikkut højskolinut ilinniartornissamut innersuussisarnerit.

7.4 Inuusuttut 18-it tikillugit ukiullit pillugit Kommuunimi atuarfeqarfiup suleqatigineria

- Kommuunimi atuarfeqarfik atuarfiit, meeqqat atuarfiit namminersortut, efterskolit, højskolillu aamma ilinniartinnut ilinniartinnut pillugu ilitsersuinerisa piareersarneranni ingerlatsineranillu ikiorlugit
- atuartut naammassisut pillugit meeqqat atuarfiisa iliuusissatut pilersaarutaat suliarineqarnikut assilinerannik tigooraaneq atortullu aqqutissiuussinermi atugassat pisariaqartut, tassunga ilanngullugit atuartut ataasiakkaat atuarnermik naammassinermut uppersaataat karakterillu pillugit paasisutissat



- o inuusuttunut immikkut aqqutissiuunneqaratik ilinniarnermik aallartitsinissamik ingerlatsinissamillu inuussutissarsiornermilluunniit toqqaanissamik ajornartorsiuteqartunut ajornartorsiuteqartussanulluunniit siunnerfeqartumik aqqutissiuussineq
- o Inuusuttunut meeqqat atuarfiannit assigisaannilluunniit atuartussaataitanermik naammassillutik atuarunnaarsimasunut, ilinniarnermik inuussutissarsiummilluunniit aallartitsisimanngitsunut imaluunniit ilinniagaqarnermik unitsitsisimasunut ujartuilluni aqqutissiuussisoqartassaaq
- o inuusuttoq meeqqat atuarfianni naammassereernerup kingorna ilinniarnermik inuussutissarsiornermilluunniit aallartitsisimanngippat imaluunniit inuussutissarsiornermik ilinniarnermilluunniit taamaatitsisimappat inuusuttut taakkunungalugu angajoqqaatut oqartussaassuseqartut suleqatigalugit ilinniarnissamat iliuusissatut pilersaarusiorneq
- o Inuusuttunut meeqqat atuarfiannit iliuusissatut pilersaarusiorsimanngitsunut ilinniarnissamat pilersaarutip sapinngisamik inuusuttup taamanikkut atuarfigisimasaa peqataatillugu suliarineqassaa qulakkeerlugu
- o ilinniagaqarnissamat iliuusissatut pilersaarutip piviusunngortinnissaa pillugu aamma anguniakkat nutaat nutartikkalluunniit aalajangersarnissaa pillugu inuusuttoq 18-it ataallugit ukiulik tassungalugu angajoqqaatut oqartussaassuseqartoq pisariaqartitsineq malillugu minnerpaamilluunniit ukiumut ataasiarlutik oqaloqatiginnineq

7.5 Suliffissarsiuussineq

- o Suliffissarsiuussisarneq suliffinnillu innersuussisarneq suliffissarsiortunut aamma sulisussanik innersuussineq sulisitsisunut inuussutissarsiutinut tamanut kiisalu atorfinnut assigiinngiaanut
- o Aqqutissiuussineq kiisalu ilinniarnissamat qinnuteqaatinik suliaqarneq
- o IT atorlugu suliffissarsiuussinermik innuttaasunut neqerooruteqarneq.
- o Suliassaqartitsineq, piginnaanngorsaaqqinneq ilinniaqqitsitsinerlu isumagissallugit.
- o Iliuusissamik pilersaarusiorneq suliffissarsiortunut kiisalu Piareersarfimmi ingerlataqartunut
- o Suliffissarsiortut CV-liornermik ikiorlugit
- o Suliffeqanngitsunut pikkorissartitsinerit (ilaatigut PKU) aqqissuutissallugit peqataanissamullu piukkunnartorsiortassallutik.
- o Sulisussaqaartitsinermut inatsit naapertorlugu aqutsinissaq.
- o Nuttarnissamat tapiissutinik qinnuteqaatinik tigooraaneq, innuttaasunut suliffik aallaavigalugu nuukkusuttunut
- o Sulinngiffeqarnermi tapiissutinik qinnuteqaatinik tigooraaneq aamma suliaqarneq

8. Inernerisassatut anguniakkat

Naalakkersuisut anguniagaraat ukioqatigiinnit 2015-imit meeqqat atuarfianni naammassisunit 70%-it 35-nik ukioqalertinnatik inuussutissarsiutaalersinnaasumik ilinniarsimassapput.

Aqqutissiuussinermut suliniummi anguniagaavoq Piareersarfiit atuartut naammassisut pillugit meeqqat atuarfiisa iliuusissatut pilersaarutaat suliarineqarnikut assilinerannik tigooraaneq atortullu aqqutissiuussinermi atugassat pisariaqartut, tassunga ilanngullugit atuartut ataasiakkaat atuarnermik naammassinermut upernarsaataat karakterillu pillugit kiisalu atuartunut atuarnermik



naammassinnittunut iliuusissatut pilersaarutit meeqqat atuarfianni suliarineqartut assilinerannik ilinniarnertuunngorniarfiit, inuussutissarsiutinut ilinniariit imaluunniit qitiusumik ilinniariit tigusaqarnissaat qulakkeerneqassaaq.

8.1 Tunngavissaritinneqarpoq kommunini ataasiakkaani inuusuttut allallu tunngaviusumik anguniakkat naapertorlugit piginnaasaqarfigilikkamik naammassinnittarnissaat, taamaasillutik inuusuttut allallu piginnaasaqarfigilikkamik ilinniartitaanermik amerlaneruleriartortut naammassinninnaasaleqqullugit (tak. § 4).

8.2 Ukiuni aggersuni aalajangersimasumik anguniakkat *ingerlatsinermut tapiissutit aamma inernerisassatut anguniakkat pillugit isumaqatigiissummut ilanngussamut ilanngutitineqarsinnaapput.*

9. Nalunaarusiortarneq

9.1 Kommunalbestyrelsi pisussaataavoq Piareersarfinni aqqissuussarisartakkat pillugit ingerlaavartumik inaarutaasumillu naliliinernik ukiumut marloriarlutik suliaqartarnissamik, taakkulu Namminersorlutik Oqartussanut nassiuttarnissaannik. Nalunaarusiornermi paasissutissat minnerpaamik ilaatinneqartartussat *Piareersarfinni qitiusumik ingerlatsiviit suliainnik ingerlatsinerat il.il. naliliisarneq pillugu Namminersornerullutik Oqartussat nalunaarutaat nr. 17, 16. oktober 2007-imeersumi* allassimapput. Nalunaarusiorneq ingerlanneqartassaaq Namminersorlutik Oqartussat Piareersarfinnut qarasaasiatigut atugassiaannut paasissutissanik ingerlaavartumik ilioraasarnikkut.

9.2 Nalunaarusiorneq Piareersarfinnut qarasaasiatigut atugassiaq iluaqutigalugu paasissutissat nalinginnaasumik tamanut atuutsinneqartut atorlugit pisassaaq. Programmi pineqartoq Namminersorlutik Oqartussanit aserfatsaaliorneqarpoq ineriartortinneqartuarlunilu.

9.3 Namminersorlutik Oqartussat aamma Kalaallit Nunaanni Naatsorsueqqissaartarfik Piareersarfiit aqqissuussarisartagaat pillugit naatsorsueqqissaarinikkut nalunaarsueqqissaarinikkullu paasissutissanik qaqugukkuulluunniit aallersinnaapput, tak. Piareersarfinni qitiusumik ingerlatsiviit suliainnik ingerlatsinerat il.il. naliliisarneq pillugu *Namminersornerullutik Oqartussat nalunaarutaat nr. 17, 16. oktober 2007-imeersumi aamma* Inuussutissarsiornermut, Aatsitassaqarnermut Suliffeqarnermullu Naalakkersuisoqarfinnut nalunaarsuisarneq pillugu najoqqutassiissut.

9.4 Ukiup atuuttup sinnerani AEU-mi FA-milu ingerlatani faginut ataasiakkaanut tamanut kommunalbestyrelsip sumisumik sunik piginnaaneqarnerat nassuiartassavaat. Tamanna akiligassat siulliit akiliutigineqannginneranni Namminersorlutik Oqartussanut nalunaarutigineqassaaq.

10. Nakkutilliineq

10.1 Namminersorlutik Oqartussat kiffartuussinissamik isumaqatigiissutip malinneqarneranik suliassallu suliarineqarnerannik qaqugukkulluunniit nakkutilliisinnaatitaallutillu nakkutilliisussaataapput.

Namminersorlutik Oqartussat nakkutilliinerat marluinnik siunertaqarpoq: Aappaatigut ingerlaavartumik nalunaarutigineqartartut malinnaaffigisarnissaat isumannaarlugulu najukkami pineqartunik ineriartortitsineq Naalakkersuisut nuna tamakkerlugu kissaatigisaannut naapertuuttuunissaannik,



aappaatigullu kommunit oqaloqatigisarnissaat, taamatullu suliatigut ikiorlugillu, ikorfartorlugillu ilitsersortarnissaat - tamakku pisariaqartinneqarpata.

11. Sulisut

11.1 Kommunalbestyrelsip isumaqatigiissut una naapertorlugu ingerlatsinermit suliasanut ilanngullugu isumannaagassaraa allaffissornikkut aqutsinissaq, sulisunillu atorfinitsitsillunilu soraarsitsisarnissaq. Piareersarfinni sulisorineqartartussanut tunngavissarititaavoq qullersaqarnissaat, aqutissiuussisoqartassasoq ilinniartitsisartoqassasorlu, aammalu pisariaqartillugu allanik sulisoqartassasoq. Kommunalbestyrelsip kissaatissappagu faginut qullersamik qitiusumik inississimasumik Piareersarfinnilu najukkani inississimasunik aqqissuisoqassasoq, tamanna periarfissaassaq kommunip tamatumingga aalajangernissaanik taamaallaat tunngaveqartumik.

Namminersorlutik Oqartussanit ingerlatsinermit tapiissutitut akiliutigineqartut, tak. *ingerlatsinermit tapiissutit aamma inernerisassatut anguniakkat pillugit isumaqatigiissummut ilanngussaq*, taamaallaat atorineqarsinnaapput ilitsersuisartutut ilinniartitsisartullu kiisalu Piareersarfinni qullersamut aningaasarsiaqartitsinissamut. Taakku saniatigut pineqartunut atasumik aqqissuussaasartunut, assersuutigalugu ilinniartitaanermit suleqatigiinnermullu atatillugu angalanernut, pikkorissartitsinermit atortussanut aammalu ilinniartitsisarnerni atortunut. Kommunalbestyrelsip kissaatigippagu Piareersarfinni qullersat amerlassuserisassaasa saniatigut faginut qullersamik atorfinitsitsisoqassasoq, taamatut atorfinimut aningaasartuutissat kommunip kisimi isumagissarsissava.

11.2 Kommunalbestyrelsi Piareersarfinni sulisunik katiterinerminnut atatillugu isumagissavaat sulisoqatigiiaat ima amerlatigalutillu ima katitigaassasut pisariaqartitanillu ima piginnaasaqassasut pisinnaasaqarlutillu isumannaarsinnaassallugu suliasanik isumagininnerup pitsaassusilimmik piginnaasaqarfiusumillu ingerlanneqarsinnaangorlugit, taamaasilluni inernerisassatut anguniakkat anguneqarsinnaaqullugit. Taamaattumik sulisut ilinniartitaanikkut misilittakkamikkullu tunuliaqutarisaat Piareersarfiit suliasaannut anguniagassaannullu naleqquttuussapput taamaasilluni innuttaasut Piareersarfiup ataani qaffassaanermik neqeroorumi ingerlatsisut aqutissiorneqartullu piginnaanitsitsisumik piareertarnissaat anguniarlugu. Piareersarfinni sulisunut piginnaangorsarnerunissamut neqeroorutit Namminersorlutik Oqartussanit isumagineqassapput.

11.3 Sulisut aningaasarsiatigut atorfeqarnermilu atugarisaat pisortat isumaqatigiissutaannut isumaqatigiissusiaannullu ilaatinneqarput, Nunatsinni Naalakkersuisut kattuffiillu pineqartunut isumaqatigiinninnarsinnaatitaasut akornanni isumaqatigiissusianut – ilaallutik kommunini suliamik ilinniagaqarsimasutut qullersatullu tjenestemanditut atorfeqartitanut aningaasarsiatigut sorlermut inissinneqarnissamut isumaqatigiissut (klassificeringsaftale) aammalu Piareersarfinni faglærerinut qullersanullu piffissaq suliffiusussaq pillugu isumaqatigiissut.

11.4 Kommunalbestyrelsimut periarfissaavoq kommunimi meeqqat atuarfianni ilinniartitsisumik amerlanerusunilluunniit Piareersarfinimut kommunilluunniit ingerlataqarfianut allamut nuussisinaanissaq. Tamanna pisinnaavoq *Meeqqat atuarfianni sulisoriat Namminersornerullutik Oqartussani Nunatsinnilu kommunini sulisinaanissannut isumaqatigiissut (katigussamik atorfinitsitsineq)* naapertorlugu, taamatullu IMAK-ip aamma Nunatsinni Naalakkersuisut 2008-mi isumaqatigiissutigisaat.



11.5 Namminersorlutik Oqartussat ikiuussinnaavoq sulisunik piukkunnartunik atorfinitsitsinissamut.

12. Suliffittut aaqqissuussaanaera

12.1 Kommunalbestyrelsi matumani kiffartuussinissamik isumaqatigiissuteqarnikkut pineqartumut inatsisiliat naapertorlugit suliassanik isumaginninnissamik pisussaaffilerneqarpoq. Piareersarfiit naalackersuinikkut allaffissornikkullu aaqqissuussivigineqarnerat kommunalbestyrelsimi aalajangikkat tunngavigalugit ingerlanneqassapput, taamatullu suliassat naapertuunnerpaamik suliarineqarnissaannut najukkami pissutsit mianeralugit.

Kommunip tamanna kissaatigippagu Namminersorlutik Oqartussat Piareersarfiup suliffittut aaqqissuussaanaissaa pillugu suliatigut ikorfartuisinnaapput.

12.2 Piareersarfiit ataanni suliassat assigiinngitsut aaqqissugaanerat sumilu inissisimatinneqarnerat innuttaasunut erseqqissuussaaq. Ilutigalugu tunngavissaritinneqarpoq Piareersarfiit saaffissap ataasiinnaanissaanik § 2-mi nassuiaatigineqartut tunngavissaritinneqartoq periarfissaatillugu sapinngisamik malissinnaassagaat.

13. Aningaasaqarneq

13.1 Piareersarfiup ingerlanneqarneranut ineriartortinneqarnissaanullu aningaasartuutit kommunip akiligassarai. Aningaasalersornera ilaatigut pisarpoq Namminersorlutik Oqartussanit ingerlatsinermut tapiissuteqartarnikkut, ilaatigullu aaqqissuussarisartakkanut kommunip assinganik tapeeqataaserneratigut. Aningaasalersuinerit suliassat naammassinissaannut naammattunik atugassaqartitsinissamut ataatsimut isumannaarutaassapput. Ukiunut aningaasanut inatsiseqarfiusunut atatillugu ingerlatsinermut tapiissutit annertussusissaat ingerlatsinermut tapiissutit aamma inernerisassatut anguniakkat pillugit isumaqatigiissummut ilanngussami nassuiaatigineqarput.

13.2 Namminersorlutik Oqartussat sinnerlugit Inuussutissarsiornermut, Suliffeqarnermut Niuernermullu Naalackersuisoqarfik ingerlatsinermut kommunimut ukiumoortumik tapiissuteqartarpoq. Ingerlatsinermut tapiissutit 80%-ii ukiut tamaasa 1. februar akilerneqartarput. Sinneruttut 20%-ii ukiumi pineqartumi 1. oktober killigalugu akilerneqartarput kiffartuussinissamik isumaqatigiissummi aamma isumaqatigiissummut ilanngussami isumaqatigiissutit naapertorneqarsimagaangata. Taamaattoqarsimanngippat naalackersuisoqarfiup kommunimut ingerlatsinermut tapiissutinit sinneruttut 20%-ii uninngatissinnaavai kommunalbestyrelsi naammaginatsumik nassuiaateqartinniarlugu. Taamaaliortoqanngippat naalackersuisoqarfiup kommunimut ingerlatsinermut tapiissutit 20%-ii akilinngiinnarsinnaavai pisariaqarpallu suleqatigiinninerup unitsinneqarnissaanut iliuuseqarluni, tak. § 14. Ingerlatsinermut tapiissutit tamarmiusut ukiumut aningaasanut inatsiseqarfiusumut taamatullu ingerlatsinermut tapiissutinik akiliuteqarfiusumut tamarmut matussutaassapput. Kommunalbestyrelsi ingerlatsinermut tapiissutinik allaffissornikkut aqutsinermut akisussaavoq, taamatullu Namminersorlutik Oqartussanut § 8.1 naapertorlugu nalunaarusiortartussaatailluni.

13.2.1 Ingerlatsinermut tapiissutit Sisimiunut qaammatit pingasukkaarlugit akilerneqassapput. Qaammatit pingasut siulliit pillugit tapiissutit kommunalbestyrelse Namminersorlutik Oqartussanut



paasisutissanik uppernarsaatinillu §9 tunngavigalugu nassiusereerpata tunniunneqassapput. Sinneruttut akilernerqassapput kiffartuussinissamik isumaqatigiisummi aamma isumaqatigiisummut ilanngussami isumaqatigiisutit naapertorneqarsimagaangata. Taamaattoqarsimanngippat naalakkersuisoqarfiup kommunimut ingerlatsinermut tapiissutit sinneruttut uninngatissinnaavai kommunalbestyrelsi naammaginartumik nassuiaateqartinniarlugu. Taamaaliortoqanngippat naalakkersuisoqarfiup kommunimut ingerlatsinermut tapiissutit sinneri akilinniinnarsinnaavai pisariaqarpallu suleqatigiinninerup unitsinneqarnissaanut iliuuseqarluni, tak. § 14. Ingerlatsinermut tapiissutit tamarmiusut ukiumut aningaasanut inatsiseqarfiusumut taamatullu ingerlatsinermut tapiissutinik akiluteqarfiusumut tamarmut matussutaassapput. Kommunalbestyrelsi ingerlatsinermut tapiissutinik allaffissornikkut aqutsinermut akisussaavoq, taamatullu Namminersorlutik Oqartussanut § 8.1 naapertorlugu nalunaarusiortartussaataalluni.

Namminersorlutik Oqartussat Inuussutissarsiutinut ilinniartitaanerni lærlingiinut atasumik suliasanut tapiissutigisartagaat aqqissuussarisartakkallu ilinniartut amerlassusiat tunngavigalugit annertussusilerneqartarput, aalajangiunneqartarlutillu ukiumut tulliuttumut Aningaasanut Inatsisissamut sammisumik ukiup aningaasaliissuteqarfiusussap siornani ilinniartorisat amerlassuserisaat ukiumoortumik 1. oktober killigalugu.

Piareersarfinnut tapiissutit allat tassaapput ingerlatsinermut aalajangersimasumik tapiissutit.

13.3 Ilinniagaqarnersiutit aningaasaliissutigineqartarput Piareersarfinni ilinniagaqartussatut amerlassusiliussat malillugit. Amerlassusissaat ukiumoortumik isumaqatigiinniutigineqarlutillu aalajangersarneqartarput ingerlatsinermut tapiissutigiumaagassatut nalunaarutigisanut atatillugu.

Kommunalbestyrelsi isumaqaruni ilinniartorisassatut amerlassusiliussat aqqiivigineqarnissaat pisariaqartoq, kommunalbestyrelsi naalakkersuisoqarfimmut tamanna pillugu allakkatigut tunngavilersukkamik qinnuteqaateqarsinnaavoq. Qinnuteqaat ilinniartorisassatut amerlassusiliussat pioreersut, ilinniartitsisoqarneq ininillu periarfissaallutillu atorsinnaasat pillugit nassuiaammik ilaqartinneqassaaq. Amerlassusiliussat aqqiivigineqarnissaannik tunngavilersuut tamakkiinngitsutut nalilerneqarpat naalakkersuisoqarfik qinnuteqaammik pineqartumik qaqugukkulluunniit itigartitsissuteqarsinnaavoq, tunngavilersuut tamakkiisumik naammassinissaanut.

13.4 Ingerlatsinermut tapiissutit aamma inernerisassatut anguniakkat pillugit isumaqatigiisummut ilanngussaq naapertorlugu ingerlatsinermut tapiissutit kommuninut ataatsimut tapiissutaasartut pillugit siumoortumik nalinginnaasumik procentiliussaasartunut atatillugu akit aningaasarsiallu qaffakkiartornerat malillugit iluarsivigineqartarput. Taakku saniatigut ilinniartoqassuseq malillugu suliasat inuussutissarsiutinut ilinniartitaanerni lærlinginut sammisumik atuuttut iluarsivigineqartarput aammalu pisariaqarpat suliaqarfii iluanni isumaqatigiisutit naapertorlugit aningaasarsiatigut immikkut ittumik qaffaataasinnaasut iluarsisutaasarlutik.

13.5 Ukiumut aningaasanut inatsiseqarfiusumut 2015-mut ingerlatsinermut ataatsimut tapiissutaajumaartussat takuneqarsinnaapput ingerlatsinermut tapiissutit aamma inernerisassatut anguniakkat pillugit isumaqatigiisummut matumani ilanngussami. Kommunimut ingerlatsinissamut tapiissutissatut naatsorsuutigisat siunissami nalunaarutigineqartassapput ukiup aningaasanut inatsiseqarfiusussap siornani oktobarip qaammataani imaluunniit kingusinnerpaamik ukioq



aningaasanut inatsiseqarfiusussaq pillugu aalajangeereernerup kingorna. Isumaqatigiissusiorneq 1. januar 2015 kingorna pippat isumaqatigiissusiornermi 2015-p naanissaata tungaanut piffissamut naapertuussakkamik naatsorsorlugu tapiissuteqartoqassaaq.

13.6 Kommunalbestyrelsip pisussaaffigaa Piareersarfimmut illunik atugassaritinneqartussanillu piukkunnartunik pissarsinissaq, taamatullu aamma pineqartunik ingerlatsineq aserfallatsaaliisarnerlu isumagisassaralugit. Illuutitut atugassaritinneqartunullu atasumik sullivinnik avatangiisit pillugit inatsimmi qaqugukkulluunniit piumasaqaatit atuuttut maleruaaffiussapput. Illut Piareersarfinnut atorneqartussat najukkami sapinngisamik qitiusumiitinniarneqartassapput, taamaasillutik kommunimi innuttaasut Piareersarfimmut orniguffigisassaata sapinngisamik saqqummilaarlunilu naapertuuttumik inissisimatillugu.

13.7 Kommunalbestyrelsi kommunimi kollegianik ingerlatsinermik nakkutilliinermillu akisussaasuvoq.

13.8 Kommunalbestyrelsi nalinginnaasumik missingersuusiortarnerminut atatillugu Piareersarfimmut ukiumoortumik missingersuusiortassaaq. Kommunalbestyrelsittaaq nalinginnaasumik naatsorsuusiortarnerminut atatillugu Piareersarfimmut ukiumoortumik naatsorsuutit suliarisassavai.

14. Akerleriissutit, maleruaannginnerit aamma kalerriisarnert

14.1 Matumani isumaqatigiissut killissarititaasunik isumaqatigiissutaavoq. Isumaqatigiissutip imarisaata qanoq paasineqarnissaanik isumaqatigiinngittoqalerpat illuatungeriit isumaqatiginninniarnermik isumaqatigiissinnaanissartik ujtartussavaat. Tunngavissaritinneqarpoq illuatungeriit illugiillutik pitsaasumik siunnerfilimmik isumaqatiginninniarumassuseqassasut.

14.2 Namminersorlutik Oqartussat matumani isumaqatigiissut maleruaanngippassuk, kommunalbestyrelsip isumaqatigiissut atorunnaarsinnaavaa qaammatinik arfinilinnik siumut kalerreereernikkut. Namminersorlutik Oqartussat tamanna sioqqullugu allakkatigut kalerrinneqareersimassapput kommunalbestyrelsip kissaatigigaa isumaqatigiissut atorunnaarsikkumallugu, taamatullu siunnersuuteqassalluni isumaqatigiinngissutaasimasinnaasut piffissaliussami qaammatit sivisunerpaamik marluk ingerlaneranni qanoq aaqqiivigineqarsinnaanerannik. Kommunalbestyrelsi piffissaliussap pineqartup qaangiunnerani suli kissaatiguniuk isumaqatigiissut atorunnaarsinneqassasoq, kommunalbestyrelsi Namminersorlutik Oqartussanut tamanna pillugu nalunaaruteqassaaq isumaqatigiissut qaammatinik arfinilinnik sioqqutsisumik kalerreereernikkut atorunnaarsinniarlugu. Ukiumut aningaasanut inatsiseqarfiusussamut aggersumut tapiissutissat pillugit inaarutaasumik nalunaaruteqartoqarneranut sanilliullugu annertuumik allannguuteqartoqarsimappat kommunalbestyrelsip isumaqatigiissut atorunnaarsinnaavaa ukiup aningaasanut inatsimmik atuuffiusup naanissaanut.

Kommunalbestyrelsip matumani isumaqatigiissut malillugu imaluunniit ilanngussami suliasatut taasat isumagisassat maleruaanngippagit Namminersorlutik Oqartussat isumaqatigiissut atorunnaarsinnaavaat qaammatinik arfinilinnik siumut kalerreereernikkut. Kommunalbestyrelsi tamanna sioqqullugu allakkatigut kalerrinneqareersimassaaq Namminersorlutik Oqartussat kissaatigigaa isumaqatigiissut atorunnaarsikkumallugu, taamatullu siunnersuuteqassallutik isumaqatigiinngissutaasimasinnaasut piffissaliussami qaammatit sivisunerpaamik marluk ingerlaneranni



qanoq aaqqiivigineqarsinnaanerannik. Namminersorlutik Oqartussat piffissaliussap pineqartup qaangiunnerani sulii kissaatigiguniku isumaqatigiissut atorunnaarsinneqassasoq, Namminersorlutik Oqartussat kommunalbestyrelsimut tamanna pillugu nalunaaruteqassapput isumaqatigiissut qaammatinik arfinilinnik sioqqutsisumik kalerreereernikkut atorunnaarsinniarlugu.

Ima pisoqarpat kommunalbestyrelsip suliassatut isumaqatigiissutaasimasut ingerlassinnaajunnaarlugit imaluunniit inernerisassatut anguniakkat angusinnaajunnaarlugit, kommune pisussaavoq Namminersorlutik Oqartussanut tamanna pillugu erngerluni nalunaaruteqarnissaminik. Ajornartorsiummut pissutaasoq pillugu sukumiisumik tamakkiisumillu nassuiaateqartoqassaaq, taamatullu kommunip pisumut aaqqiissutissatut nammineerluni siunnersuutaa ilanngunneqassalluni. Taamatuttaaq sukumiisumik tamakkiisumillu nassuiaatigineqassaaq kommunip siunissami suliassat qanoq ingerlanniarnera iernerisassatullu anguniakkat qanoq anguniarnera. Inernerisassatut anguniakkanik amigartumik uteqqiasumillu angusaqartannginnerit imaluunniit pineqartunik malinnaatitseqqittannginnerit annertuumik maleruaannginnertut nalilerneqassapput, taamatullu aamma suliarineqassallutik.

15. Atuutilerpera, atorussaataitanaera,

isumaqatigiinniutigineqaaqqinnera aamma atorunnaarsinnera

15.1 Matumani isumaqatigiissut 1. januar 2015 aallernerfigalugu atuutilerpoq, atuutissallunilu piffissami 1. januar 2015-miit 31. december 2015-p tungaanut.

15.2 Piffissami isumaqatigiissuteqarfiusumi isumaqatigiissummut uunga atasumik allannguutininik annertuumik pisoqarpat illuatungeriit arlaata qaammatinik pingasunik sioqqutsisumik kalerreereernikkut isumaqatigiissummik isumaqatigiinniaqqinnissaq piumasarisinnaavaa. Isumaqatigiinniaqqissinnaatitaaneq maleruaanngitsoqarneratigut pisinnaatitaffigisanik atuuttunik atuinnissamut, tak. § 14, killiliisinnaanngilaq.

15.3 Isumaqatigiissut qaammatinik arfinilinnik sioqqutsisumik kalerreereernikkut illugiimmik atorunnaarsikkumaneqarsinnaavoq. Isumaqatigiissut atorunnaarsikkumaneqarpat Namminersorlutik Oqartussat pisussaatinneqalissapput suliassanik inuussutissarsiutinut ilinniartitaanernut aaqqissuussarisat pillugit suliassat isumagineqarnissaannik, taamatullu matumani isumaqatigiissutip atsiorneqannginnerani aningaasartuumik agguataarinissamut tunngavissaritinneqartutut atuuttut tunngavigalugit.

Namminersorlutik Oqartussat sinnerlugit

Qeqqata Kommunua sinnerlugu